

BOSNA I HERCEGOVINA
FEDERACIJA BOSNE I HERCEGOVINE
UNSKO - SANSKI KANTON
GRAD CAZIN

SLUŽBENE NOVINE
GRADA CAZIN

GODINA IV

BROJ 5

12.03.2024.
CAZIN

GRADONAČELNIK

1226. Na osnovu člana 33. Odluke o izvršenju Budžeta Grad Cazin za 2024. godinu („Službene novine Grada Cazin“, broj: 1/24 i člana 116. Statuta Grada Cazin („Službene novine Općine Cazin“, broj: 4/21), u skladu sa Zakonom o Gradu Cazin („Službene novine Grada Cazin“, broj: 1/17), Gradonačelnik donosi:

P R O G R A M

o vrstama, kriterijima i načinu raspodjele novčanih sredstava iz Granta za razvoj poljoprivrede u Gradu Cazin za 2024.godinu

član 1.

Ovim programom propisuju se uslovi koje moraju ispunjavati pravna i fizička lica (u daljem tekstu: kandidati) da bi ostvarili pravo na novčane podrške u primarnoj poljoprivrednoj proizvodnji za 2024. godinu (u daljem tekstu: novčane podrške), uređuju se postupci za njihovo ostvarivanje, načini isplate, plan raspodjele i potrebna dokumentacija.

član 2.

Za poticaj primarne poljoprivredne proizvodnje na način kako je to regulisano ovim Programom, koristiti će se sredstva iz Budžeta Grada Cazin, pozicija „Grant za razvoj poljoprivrede“ u iznosu od 650.000,00 KM, ekonomski kod 614 311 i 614 239

član 3.

I - Subvencioniranje troškova proizvodnje kravljeg mlijeka u kooperaciji

Pravo na novčanu podršku ostvaruju kandidati sa područja Grada Cazin koji su upisani u Registar poljoprivrednih gazdinstva ili Registar klijenata, a koji sudjeluju u lancu otkupa mlijeka na komercijalnoj osnovi. Da bi ostvarili pravo na podršku, između ostalog neophodno je da imaju urađenu analizu zemljišta ne stariju od 3 godine na parceli na kojoj će u 2024. godini izvršiti sjetvu silažnog kukuruza ili neke druge ratarske kulture, a koju će koristiti za ishranu muznih grla. Podrška je u iznosu od 0,015 KM po litri otkupljenog mlijeka u 2023. godini, te uvećano za troškove jedne analize zemljišta urađene u 2024. godini. Kandidati podnose zahtjev Službi za poljoprivredu Grada Cazina. Uz zahtjev prilažu slijedeću dokumentaciju:

a) RLP iz 2024. godine.

b) Taksa od 5,00 KM.

c) Kopija platnih lista realiziranog otkupa mlijeka u 2023. godini ili potvrda o isplaćenim količinama mlijeka za 2023. godinu na ime proizvođača mlijeka sa pripadajućom šifrom ili JMBG od strane mljekara, zadruge, otkupne organizacije ili listing-spisak od otkuplivača mlijeka sa podacima o isporučenim količinama mlijeka

d) Analiza zemljišta ne starija od 3 godine na kojoj će biti izvršena sjetva silažnog kukuruza ili neke druge ratarske kulture koja će se koristiti za ishranu stoke (kopija).

e) Dokaz o plaćanju troškova analize zemljišta za one koji su radili analizu u 2024. godini.

Rok za predaju zahtjeva od 01.04. 2024. do 31.05.2024.godine.

II - Subvencioniranje proizvodnje voća, povrća i cvijeća u plastenicima ili staklenicima

Pravo na novčanu podršku ostvaruju kandidati sa područja Grada Cazina koji su upisani u Registar poljoprivrednih gazdinstva ili Registar klijenata, a koji imaju proizvodnju povrća, voća i cvijeća u plastenicima ili staklenicima. Da bi ostvarili pravo na podršku, između ostalog neophodno je da imaju urađenu analizu zemljišta ne stariju od 3 godine. Podrška u iznosu od 3,00 KM/m² ostvaruju kandidati koji imaju površinu manju od 200 m² plastenika ili staklenika, dok kandidati koji imaju površinu plastenika ili staklenika od 200 do 1200 m² ostvaruju podršku u iznosu od 1,50 KM/m². Iznos podrške bit će uvećan za troškove analize zemljišta urađene u 2024. godini. Kandidati podnose zahtjev Službi za poljoprivredu Grada Cazina. Uz zahtjev prilažu slijedeću dokumentaciju:

- a) RLP iz 2024. godine.
- b) Analiza zemljišta (ne starija od 3 godine)
- c) Dokaz o plaćanju troškova analize zemljišta za one koji su radili analizu u 2024. godini
- d) Taksa od 5,00 KM.

Rok za predaju zahtjeva od 01.05.2024. do 30.06.2024.godine.

Nakon podnošenih zahtjeva Služba za poljoprivredu će izaći na lice mjesta i sačiniti zapisnik o navedenoj proizvodnji.

III - Subvencioniranje troškova uzgoja pčelinjih društava

Pravo na novčanu podršku ostvaruju kandidati sa područja Grada Cazina koji su upisani u Registar poljoprivrednih gazdinstva ili Registar klijenata, a koji se bave pčelarstvom. Podrška je u iznosu 5,00 KM/košnica. Da bi ostvarili pravo na podršku, kandidati podnose zahtjev Službi za poljoprivredu Grada Cazina. Uz zahtjev se prilažu slijedeći dokumenti:

- a) RLP iz 2024.godine.
- b) Taksa od 5,00 KM.
- c) Ovjerena izjava općinskog ili kantonalnog udruženja pčelara u kojem je korisnik učlanjen, da materijalno i krivično stoji iza podataka o broju aktivnih pčelinjih društava u vlasništvu korisnika i da se korisnik nalazi na popisu članstva udruženja u 2024. godini.
- d) Potvrda o provedenim obaveznim mjerama (kopija) sa tačnim brojem košnica

Rok za predaju zahtjeva od 15.04.2024 do 15.05.2024. godine.

IV - Podrška za troškove postupka legalizacije gospodarskih objekata (štala)

Pravo na podršku imaju kandidati sa područja Grada Cazina koji su izvršili legalizaciju postojećih gospodarskih objekata (štala) u funkciji poljoprivredne proizvodnje i pribavili građevinsku dozvolu, a koji su izgrađeni do 31.12.2023. godine. Kandidati moraju biti upisani u RPG i RK.

Podnošenje zahtjeva legalizaciju postojećih gospodarskih objekata (štala) klijent uz zahtjev dostavlja:

- a) RLP iz 2024.godine.
- b) Taksa od 5,00 KM.
- c) Građevinska dozvola za gospodarski objekt (štala).

- d) Dokaz o izvršenoj uplati za troškove u postupku legalizacije gospodarskih objekata (takse, naknade, rente i neophodne saglasnosti institucija).

Nakon podnošenih zahtjeva Služba za poljoprivredu će izaći na lice mjesta i sačiniti zapisnik.

Podrška za troškove postupka legalizacije gospodarskih objekata (štala) iznosi 80% od ukupnih troškova postupka legalizacije.

Rok za predaju zahtjeva je do 15.12.2024.godine

V - Subvencioniranje nabavke košnica i potrebne opreme

Pravo na subvenciju za nabavku košnica i potrebne opreme za nove pčelare i pčelare koji u svom vlasništvu imaju do 10 košnica ostvaruju kandidati sa područja Grada Cazina. Grad Cazin će raspisati Javni poziv za predaju zahtjeva za subvencioniranje nabavke košnica i potrebne opreme (10 kompleta košnica sa dva nastavka, dvije stotine satnih osnova, 10 vještačkih rojeva sa ovogodišnjim maticama, inox vrcaljka i inox banja za otklapanje saća) za nove pčelare i pčelare koji u svom vlasništvu imaju do 10 košnica, a sve u cilju proširenja pčelarske proizvodnje

Podrška je namijenjena za subvencioniranje nabavke košnica i potrebne opreme za nove pčelare i pčelare koji u svom vlasništvu imaju do 10 košnica. Nabavka košnica i potrebne opreme za 30 novih pčelara subvencionirat će se maksimalno do 30 % od ukupne vrijednosti košnica i potrebne opreme po korisniku (po korisniku: 10 kompleta košnica sa dva nastavka, dvije stotine satnih osnova, 10 vještačkih rojeva sa ovogodišnjim maticama, inox vrcaljka i inox banja za otklapanje saća).

Subvencija za nabavku košnica i potrebne opreme za nove pčelare i pčelare koji u svom vlasništvu imaju do 10 košnica bit će realizirana ukoliko Ured za koordinaciju projekata - PCU pri Federalnom Ministarstvu poljoprivrede, vodoprivrede i šumarstva bude većim udjelom subvencionirao isto.

Prije objave Javnog poziva objavit će se Pravilnik o utvrđivanju uslova, kriterija i postupaka za ostvarivanje prava na subvencioniranje nabavke košnica i potrebne opreme. Na osnovu Javnog poziva a u skladu sa Pravilnikom o utvrđivanju uslova, kriterija i postupaka za ostvarivanje prava na subvencioniranje nabavke košnica i potrebne opreme pravo na ovu novčanu podršku ostvarit će 30 prvorangiranih kandidata.

Kandidati koji budu ostvarili pravo putem Javnog poziva podnijet će zahtjev za subvenciju do 30% sredstava od ukupne vrijednosti opreme.

Uz zahtjev dostavljaju:

- a) RLP iz 2024 godine.
- b) Taksa od 5,00 KM.
- c) Otpremnica i račun za nabavku košnica i opreme.

Javni poziv bit će objavljen do 01.09.2024.godine

VI - Subvencioniranje nabavke novih plastenika

Pravo na subvenciju za nabavku novog plastenika ostvaruju kandidati sa područja Grada Cazina koji su upisani u registar poljoprivrednih gazdinstva ili registar klijenata. Podrška je namijenjena za subvencioniranje nabavke novog plastenika maksimalne površine 100 m². Podrška će biti realizirana ukoliko Ured za koordinaciju projekata - PCU pri Federalnom Ministarstvu poljoprivrede, vodoprivrede i šumarstva, Ministarstvo poljoprivrede, vodoprivrede i šumarstva USK-a ili međunarodna nevladina organizacija bude većim dijelom subvencionirala isto, a sve u cilju proširenja poljoprivredne proizvodnje u

zatvorenom prostoru. Nabavka novih plastenika sa dodatnom opremom za 20 novih korisnika subvencionirat će se u iznosu od 1200,00 KM za svakog korisnika.

Uz zahtjev dostavljaju:

- a) RLP iz 2024.
- b) Taksa od 5,00 KM.
- c) Otpremnica i račun za nabavku plastenika sa dodatnom opremom.
- d) **Rok za predaju zahtjeva 03.06.2024.do 31.07.2024.godine.**

Sačinjavanje zapisnika od strane Službe za poljoprivredu će se izvršiti nakon podnošenja zahtjeva.

VII - Proizvodnja povrća na otvorenom (krastavac, paradajz, paprika, bijeli luk, dinja i lubenica

Pravo na novčanu podršku ostvaruju kandidati sa područja Grada Cazina koji su upisani u Registar poljoprivrednih gazdinstva ili Registar klijenata, a koji imaju zasade povrća sa sjetvom u 2024.godini i koji plasiraju povrće na tržište registriranom prerađivaču ili otkupljivaču (osim lubenice i dinje)

Pravo na novčanu podršku nemaju poljoprivredne zadruge. Podrška je namijenjena za subvencioniranje troškova, održavanje zasada, provođenje adekvatnih agrotehničkih i fitotehničkih mjera, te provođenje zaštite zemljišta i zdravlja bilja. Da bi ostvarili pravo na podršku, između ostalog neophodno je da imaju urađenu analizu zemljišta ne stariju od 3 godine na parceli na kojoj će u 2024.godini biti izvršena sadnja povrća. Visina podrške za proizvodnju povrća na otvorenom iznosi 1500,00 KM/ ha, te uvećano za vrijednost jedne analize zemljišta. Kandidat može ostvariti subvenciju za maksimalno 0,5 ha. Da bi ostvarili pravo na podršku, kandidati podnose zahtjev Službi za poljoprivredu Grada Cazina. Uz zahtjev prilažu slijedeću dokumentaciju:

- a) RLP iz 2024.godine.
- b) Taksa od 5,00 KM
- c) Račun (otpremnica) dobavljača kojim se dokazuje kupovina sjemena ili presadnica i repromaterijala u 2024.g.
- d) Analiza zemljišta (ne starija od 3 godine).
- e) Dokaz o plaćanju troškova analize zemljišta urađene u 2024. godini
- f) Kopija kooperantskog ugovora (osim lubenice i dinje)

Rok za predaju zahtjeva 03.06.2024.do 31.07.2023.godine.

Nakon podnošenih zahtjeva Služba za poljoprivredu će izaći na lice mjesta i sačiniti zapisnik o navedenoj proizvodnji

VIII - Subvencioniranje troškova jesenje sjetve pšenice

Pravo na novčanu podršku ostvaruju kandidati sa područja Grada Cazina koji su upisani i oni koji se upišu u Registar poljoprivrednih gazdinstva ili Registar klijenata prilikom podnošenja zahtjeva, a koji su izvršili jesenju sjetvu pšenice .

Da bi ostvarili pravo na podršku, svi zainteresirani kandidati, za jesenju sjetvu površina pšenice u 2024. godini trebaju imati urađenu analizu zemljišta parcele na kojoj će izvršiti sjetvu pšenice ne stariju od 3 godine, te podnijeti zahtjev za subvencioniranje troškova jesenje sjetve pšenice. Podrška je u iznosu od 600,00 KM/ha, te uvećano za troškove jedne analize zemljišta urađene u 2024. godini. Kandidat može ostvariti subvenciju za maksimalno 0,5 ha zasijane površine pšenice.

Uz zahtjev je neophodno priložiti slijedeće:

- a) RLP iz 2024.godine.
- b) Taksa od 5,00 KM.
- c) Fiskalni račun o nabavci sjemena i umjetnog gnojiva.
- d) Ovjerena izjava da će zasijati površine pšenice koje naveo u zahtjevu.
- e) Analiza zemljišta (ne starija od 3 godine)..
- f) Dokaz o plaćanju troškova analize zemljišta urađene u 2024. godini

Rok za predaju zahtjeva 01.10.2024.do 15.11.2024.godine.

Sačinjavanje zapisnika od strane Službe za poljoprivredu će se izvršiti nakon podnošenja zahtjeva

Kandidati koji su prilikom podnošenja zahtjeva za subvencioniranje troškova proizvodnje kravljeg mlijeka u kooperaciji dostavili analizu zemljišta ne stariju od tri godine ili analizu zemljišta iz 2024.godine i račun o plaćanju analize zemljišta nisu u obavezi isti dostaviti prilikom podnošenja zahtjeva za subvencioniranje troškova jesenje sjetve pšenice.

IX - Troškovi naknade štete nastale na poljoprivrednom gazdinstvu

Pravo na naknadu štete imaju kandidati sa područja Grada Cazina kojima je nastala šteta na poljoprivrednom gazdinstvu u zadnjem kvartalu 2023.godini i u 2024. godini, a koji su upisani u registar poljoprivrednih gazdinstva ili registar klijenata.

Pod štetom na poljoprivrednom gazdinstvu se smatra: uništavanje poljoprivredne mehanizacije ili opreme od elementarnih ili drugih nesreća, uništavanje poljoprivrednih objekata od elementarnih ili drugih nesreća, uginuće sitne i krupne stoke, uništavanje poljoprivrednih usjeva od poplava, elementarnih ili drugih nesreća i divljih svinja, uništavanje plastenika od elementarnih ili drugih nesreća, uništavanje voćnjaka od elementarnih ili drugih nesreća.

Uz zahtjev je neophodno priložiti slijedeće:

- a) RLP iz 2024.godine.
- b) Zapisnik Veterinarske stanice ili veterinarske inspekcije o uginuću krupne ili sitne stoke.
- c) Zapisnik nadležne institucije o uništavanje poljoprivredne mehanizacije ili opreme, poljoprivrednih objekata nastale od prirodnih ili drugih nesreća.
- d) Predračun vrijednosti poljoprivrednog objekta, mehanizacije, opreme, plastenika, sadnica, sjemena.
- e) Fotografiju nastale štete na poljoprivrednim usjevima, zasadima, plastenicima, mehanizaciji i opremi
- f) Dokaz da je životinja odjavljena iz baze Jedinственog registra domaćih životinja

Kandidat može ostvariti naknadu štete do 50% od ukupne štete nastale na poljoprivrednom gazdinstvu.

Troškovi naknade štete na poljoprivrednom gazdinstvu subvencionirat će se u ukupnom iznosu do 60.000,00 KM

Sačinjavanje zapisnika od strane Službe za poljoprivredu će se izvršiti u roku od 5 dana od prijema zahtjeva. Procjena štete nastale na poljoprivrednom gazdinstvu izvršit će se na osnovu tržišne vrijednosti poljoprivredne mehanizacije, poljoprivredne opreme, plastenika, voćnjaka, usjeva, krupne ili sitne stoke i na osnovu stanja na terenu prilikom sačinjavanja zapisnika.

X - Subvencioniranje tova junadi

Pravo na novčanu podršku ostvaruju kandidati sa područja grada Cazina koji su upisani u Registar poljoprivrednih gazdinstava i Registar klijenata kao fizička lica, a koji se bave uzgojom tovnih junadi, koje uzgoji na svom gazdinstvu, izvrši klanje u ovlaštenoj klaonici a prodaje na kućnom pragu. Podrška je 700 KM po grlu. Kandidat ostvaruje pravo ako ispunjava sljedeće uslove:

- a) da utovi maksimalno 2 grla u jednom turnusu;
- b) uvede u tov grla starosti do 6 mjeseci;
- c) drži junad u tovu najmanje 200 dana a najviše do starosti 24 mjeseca
- d) podnese zahtjev Službi za poljoprivredu Grada Cazina za početak tova.
- e) podnese zahtjev Službi za poljoprivredu Grada Cazina za kraj tova najkasnije 20 dana prije završetka tova.

Ovlašteni službenik je dužan u roku od 20 dana od dana podnošenja prijave završetka tova izvršiti obilazak kandidata i sačiniti zapisnik o završetku tova .

Uz zahtjev je neophodno priložiti sljedeće:

- a) Popunjen obrazac Z-1;
- b) Taksa od 5,00 KM
- b) Pasoš za grlo u tovu na ime kandidata ili A1 obrazaca na početku tova a na kraju poništene pasoše
- c) Kopiju pojedinačnog ili skupnog obrasca za prijavu kretanja teladi kupljenih za tov na početku tova a na kraju poništen obrazac
- e) Zapisnik ovlaštene veterinarske stanice o početku tova
- d) Svjedodžbu o zdravstvenom stanju životinja na početku tova i poništena na kraju tova
- e) Potvrda o provedenim mjerama na kraju tova
- f) Potpisan i ovjeren račun o izvršenom klanju od registrovane klaonice na ime klijenta koji mora da sadrži: naziv, adresu i porezni broj registrirane (odobrenje) klaonice, zatim vrstu, količinu – broj komada sa brojevima ušnih markica, cijenu kljanja i datum izdavanja (izdaje se za fizička lica) na kraju tova.

Kandidat ne može ostvariti novčanu podršku za ista grla sa višeg nivoa vlasti.

Služba za poljoprivredu se zadužuje da na osnovu službene evidencije utvrdi da za ista grla nema prijavljenu proizvodnju na višem nivou vlasti.

Za ostvarenje prava na novčanu podršku klijent najkasnije do 15.11. tekuće godine podnosi zahtjev gradskoj službi za poljoprivredu.

XI -Subvencioniranje nabavke poljoprivredne mehanizacije (traktora)

Pravo na subvenciju nabavke poljoprivredne mehanizacije (traktora) u 2024. godini ostvaruju kandidati (fizička lica i poljoprivredni obrti) sa područja Grada Cazina. Kandidati moraju biti upisani u RPG i RK. Za ovu namjenu predviđen je ukupan iznos sredstava do 50.000,00 KM. Maksimalan iznos po kandidatu iznosi do 15% od ukupne vrijednosti poljoprivredne mehanizacije (traktora) a maksimalno 15.000,00 KM.

Klijent ostvaruje pravo ako ispunjava sljedeće uslove:

- a) RLP.
- b) Taksa od 5,00 KM
- c) Račun o nabavci nove poljoprivredne mehanizacije (traktor)
- d) Kopija saobraćajne dozvole

Sačinjavanje zapisnika od strane Službe za poljoprivredu će se izvršiti u roku od 5 dana od prijema zahtjeva.

Rok za predaju zahtjeva 01.09.2024.godine.

XII - Subvencioniranje uzgoja i prodaje domaćih rasplodnih junica

Pravo na novčanu podršku ostvaruju pravna lica ili obrti sa područja Grada Cazina koji su upisni u Registar poljoprivrednih gazdinstava i Registar klijenta, koji se bave uzgojem i prodajom domaćih rasplodnih junica te za istu vrstu proizvodnje posjeduje Rješenje od nadležnog kantonalnog ministarstva.

Kandidat ostvaruje pravo na novčanu podršku za uzgoj domaćih rasplodnih junica, ako pored općih uslova ispunjava i sljedeće posebne uslove:

- a) rješenje za obavljanje proizvodnje - uzgoj rasplodnih junica
- b) uzgoji u toku tekuće godine max 40 grla iz domaćeg uzgoja i iste prodaja;
- c) uvede u kontrolirani uzgoj grla starosti max.do 6 mjeseci
- d) drži junice u uzgoju najmanje do 14 mjeseci starosti
- e) izlazna starost rasplodnih junica prilikom prodaje može biti maksimalno 24 mjeseca;
- g) podnese prijavu početka za uzgoj rasplodnih junica Gradskoj poljoprivrednoj službi 10 dana od dana useljenja posljednjeg grla u turnus
- h) podnese prijavu završetka za uzgoj rasplodnih junica Gradskoj poljoprivrednoj službi na Obrascu Z-1 najkasnije 15 dana prije završetka uzgoja i prodaje.

Ovlašteni službenik je dužan u roku od 15 dana od dana podnošenja prijave početka uzgoja rasplodnih junica izvršiti obilazak mjesta proizvodnje kandidati i sačiniti zapisnik o početku uzgoja - Obrazac ZAP.

Ovlašteni službenik je dužan u roku od 15 dana od dana prijave završetka uzgoja rasplodnih junica izvršiti obilazak klijenta i sačiniti zapisnik o završetku uzgoja - Obrazac ZAP.

Za ostvarenje prava na novčanu podršku klijent dostavlja gradskoj poljoprivrednoj službi u originalu ili ovjerenoj kopiji sljedeću dokumentaciju:

- a) popunjen obrazac Z-1;
- b) obrazac P-1 (prijava početka i završetka uzgoja)

- c) pasoši za grla u uzgoju na ime klijenta (neovjerena kopija);
- d) zapisnik o početku i završetku uzgoja rasplodnih junica.
- e) dokaz za kupljenu žensku telad u uzgoju (faktura/fiskalni račun, otkupni blok)
- f) kopiju pojedinačnog ili skupnog obrasca za prijavu kretanja teladi kupljenih za ugoj kao i prodanih junica te kopije svjedodžbi o zdravstvenom stanju;
- g) dokaz o prodaji junica (faktura/fiskalni račun, otkupni blok);
- h) potvrdu o provedenim obaveznim mjerama (dostavlja se neovjerena kopija);
- i) ugovor o stalnom veterinarskom nadzoru u toku uzgoja;
- j) potvrdu o izmirenim obavezama Porezne uprave F BiH i UIO BiH-a
- k) taksa od 5,00 KM

Podrška za navedenu mjeru iznosi 600 KM/grlo

Rok za predaju zahtjeva: do 15.12.2024.godine.

XIII - Subvencioniranje nabavke visoko rasplodnih junica

Pravo na novčanu podršku ostvaruju kandidati sa područja Grada Cazina koji su upisani u Registar poljoprivrednih gazdinstva ili Registar klijenata, a koji su izvršili kupovinu visoko rasplodnih junica u decembru 2023. godine i u toku 2024. godini. Novčana podrška bit će minimalno za 3 visoko rasplodne junice a maksimalno za deset visoko rasplodnih junica.

Da bi ostvarili pravo na podršku, svi zainteresirani kandidati trebaju podnijeti zahtjev do 01.09.2024.godine. Pravo na podršku imaju kandidati koji od Grada Cazina u predhodne tri godine nisu ostavili novčanu podršku po ovoj mjeri. Ukupan iznos podrške Grada Cazina za subvencioniranje nabavke visoko steonih junica je do 60.000,00 KM koja će se ravnomjerno rasporediti zavisno od broja prijavljenih visoko rasplodnih junica a maksimalno do 1000,00 KM po jednom grlu.

Uz zahtjev je neophodno priložiti slijedeće:

- a) RLP.
 - b) Taksa od 5,00 KM.
 - c) Fiskalni račun i fakturu vezanu za kupovinu rasplodnih junica.
 - d) Pasoš životinje nadležne domaće institucije ,odnosno institucije zemlje iz koje je izvršen uvoz rasplodne stoke.
 - e) Obrazac o zdravstvenom stanju životinje.
 - f) Obrazac o kretanju životinje.
 - g) Dokaz o gravidnosti životinje i porijeklu bika (pedigre ili matični list bika).
 - h) Pedigre certifikat (samo za rasplodna grla iz uvoza).
 - i) Ovjerena izjava o držanju rasplodnih junica.
 - j) Dokaz prodavača o registraciji za uzgoj rasplodne stoke – rješenje.
 - k) Carinska deklaracija i dokaz o izmirenim obavezama (ako je klijent direktni uvoznik stoke).
- Sačinjavanje zapisnika od strane Službe za poljoprivredu će se izvršiti nakon podnošenja zahtjeva.

XIV -Subvencioniranje uzgoja rasplodne stoke (koze)

Pravo na novčanu podršku ostvaruju kandidati sa područja Grada Cazina koji su upisani u Registar poljoprivrednih gazdinstava, a koji ispunjavaju slijedeće uslove:

- a) u vlastitom uzgoju imaju rasplodne koze;
- b) da su životinje označene ušnim markicama;
- c) da su provedene obavezne zdravstvene mjere;

Novčana podrška iznosi 100,00 KM/grlo. Klijent može ostvariti subvenciju za maksimalno 24 rasplodna grla.

Da bi ostvarili pravo na novčanu podršku, kandidati podnose zahtjev Službi za poljoprivredu Grada Cazina.

Uz zahtjev se prilažu slijedeći dokumenti:

- a) RLP
- b) Dokaz o obilježavanju životinja,
- c) Potvrdu o provedenim obaveznim mjerama - kopija,
- d) Taksa od 5,00 KM

Rok za predaju zahtjeva je od 01.08.2024. do 20.09.2024. godine.

Nakon podnošenih zahtjeva Služba za poljoprivredu će izaći na lice mjesta i sačiniti zapisnik o navedenoj proizvodnji.

XV -Subvencioniranje projekata i programa u poljoprivrednoj proizvodnji

Grad Cazina će učestvovati u projektima i programima vezano za poljoprivrednu proizvodnju. Projekti i programi u poljoprivrednoj proizvodnji koji će se subvencionirati odnose se na ulaganje zajedničkih finansijskih sredstava iz budžeta Grada Cazina i drugih nivoa vlasti (Federalno ministarstvo poljoprivrede, vodoprivrede i šumarstva, Ured za koordinaciju projekata - PCU pri Federalnom Ministarstvu poljoprivrede, vodoprivrede i šumarstva, Ministarstvo poljoprivrede, vodoprivrede i šumarstva USK-a), javnih preduzeća, međunarodnih nevladinih organizacija ili poljoprivrednih udruženja Učešće Grada Cazina u projektima i programima vezano za razvoj i poboljšanje poljoprivredne proizvodnje može biti do 50% od ukupne vrijednosti projekta ili programa.

Nakon završetka realizacije programa ili projekta aplikanti obavezni su dostaviti izvještaj o utrošku sredstava. Sredstva se moraju utrošiti onako kako su definirana u Biznis planu, saglasno Projektom dizajnu.

Ukupan iznos podrške Grada Cazina za subvencioniranje projekata i programa u poljoprivrednoj proizvodnji je do 30.000,00 KM.

Uz zahtjev dostavlja se :

- a) RLP.
- b) Taksa od 5,00 KM.
- c) Projekat ili Program.

- d) Dokument u kojem se dokazuje učešće drugih nivoa vlasti, javnih preduzeća, međunarodnih nevladinih organizacija ili poljoprivrednih udruženja najmanje 30% od ukupne vrijednosti projekta.

Rok za predaju zahtjeva 01.08.2024.godine.

XVI - Sufinanciranje troškova poljoprivrednih udruženja

Pravo na podršku za sufinanciranje troškova poljoprivrednih udruženja ima udruženje čije je sjedište na području Grada Cazina, a isto je upisano u RPG i RK. Prihvatljivi troškovi su troškovi za nabavku uredske opreme i namještaja.

Uz zahtjev neophodno je priložiti slijedeće:

- a) RLP iz 2024.godine.
- b) Taksa od 5,00 KM.
- c) Rješenje o registraciji kod nadležnog ministarstva pravde.
- d) Fakturu za prihvatljive troškove.
- e) Izjava klijenta da će nabavljeni uredski namještaj i opremu zadržati tri godine u svom vlasništvu od dana odobravanja podrške.
- f) Dokaz o izmirenim obavezama za prethodnu godinu.

Klijent može ostvariti podršku do 1000,00 KM.

Sufinanciranje troškova poljoprivrednih udruženja sufinancirat će se u ukupnom iznosu do 5.000,00 KM

Sačinjavanje zapisnika od strane Službe za poljoprivredu će se izvršiti u roku od 5 dana od prijema zahtjeva.

XVII - Sufinanciranje stručnih skupova, kongresa, simpozija, edukacija, seminara i sajмова

Podrška za sufinanciranje troškova organizacije stručnih skupova, kongresa, edukacije, simpozija, seminara, i sajмова iz oblasti poljoprivredno-prehrambenog sektora, odobrava se:

- a) Naučnim, odnosno obrazovnim ustanovama koje su organizirale održavanje stručnog skupa, kongresa, edukacije, simpozija ili seminara;
Učesnici stručnog skupa, kongresa, edukacije, simpozija ili seminara mogu biti uposlenici Službe za poljoprivredu
- b) poljoprivrednim udruženjima poljoprivrednika, poljoprivrednim zadrugama, veterinarskim stanicama koja su organizator ili nosioci aktivnosti održavanja sajma;

Sufinanciranje troškova stručnih skupova, kongresa, edukacije, simpozija, seminara, i sajмова iz oblasti poljoprivredno-prehrambenog sektora sufinancirat će se u ukupnom iznosu do 20.000,00 KM

član 4.

Služba za poljoprivredu sačinjava spiskove korisnika kojima su odobrena sredstva, te dostavlja prijedlog Zaključka o odobravanju sredstava Gradonačelniku na potpis. Nakon potpisa i ovjere, Zaključak sa ažuriranim spiskovima korisnika se prosljeđuje Službi za financije, računovodstvo i trezor na dalju proceduru.

Služba za poljoprivredu odgovara za ispravnost dostavljenih spiskova.

član 5.

Za realizaciju ovog Programa zadužuju se Služba za poljoprivredu i Služba za financije, računovodstvo i trezor Grada Cazina, koje će nakon završene realizacije sačiniti konačnu informaciju o namjenskom korištenju sredstava.

Ovaj Program stupa na snagu danom objave u Službenim novinama Grada Cazina.

Broj:01/GN-20-3143/24

Datum: 14.02.2024.godine

Obrađivač:

Šef službe za poljoprivredu, Zuhad Porčić, dipl. ing.

GRADONAČELNIK

mr. Ogršević Nermin

SADRŽAJ**GRADONAČELNIK**

R.B.	NAZIV AKTA	Str.
1226.	PROGRAM o vrstama, kriterijima i načinu raspodjele novčanih sredstava iz Granta za razvoj poljoprivrede u Gradu Cazin za 2024.godinu	2

IZDAVAČ: SLUŽBA ZA STRUČNE POSLOVE GRADSKOG VIJEĆA GRADA CAZIN

